

AGASALA, TALA LELEI, MA LE TULAFONO






“'E le galo ia te au au feau e faavavau; auā o mea ia na e faaolaola mai ai ia te au. O ia te oe a'u nei, ia e faaola mai ia te au; auā ua ou saili i au feau.”

(Salamo 119:93, 94, sov)

Pe taliaina pe leai, o le agasala o se faafitauli e aafia ai i tatou uma, ma faaleagaina ai lo tatou va ma le Atua: “auā ua agasala tagata uma lava, ma ua le oo i le viiga o le Atua” (Roma 3:23).

E fa’apefea ona tatou toe fa’aleleia le vā ua faia e ele agasala i la tatou mafutaga ma le Atua? Ua fautuaina e nisi ni fofo se lua: na o le Tulafono (fa’aolataga e ala i galuega, o se manatu sese i le galuega a le Tulafono); pe na o le Talalelei (fa’aolataga e ala i le fa’atuatua, fa’aumatia ai le Tulafono).

A malamalama lelei i ai, e lē feteenai le Tulafono ma le Talalelei; ae e galulue faatasi i laua i le tatou finauga ma le agasala. E tofu i la’ua ma lona tiute.



- 👉 Alo ese ma faaosoosoga
- 👉 Fautuaga e alo ai mai le agasala

AGASALA



📖 O le Tulafono ma le Agasala

TULAFONO



- ✝️ O le Tala Lelei ma le Tulafono
- ✝️ Fausia i luga o le Papa

TALA LELEI



III AGASALA




ALOFIA FAAOSOOSOGA

“a ua taitasi ma faaosoosoina, pe a tosina ma maileia i lona lava tu'inanau;” (Iakopo 1:14 NIV)




Ua ta'ua e Iakopo o lē e tetee i faaosoosoga o le “manuia” (Iakopo 1:12). Peita'i, ua ia faamanino, e lē mai le Atua se faaosoosoga (Iakopo 1:13), ae e mafua mai i o tatou lava tuinanau leaga (Iakopo 1:14).

O loo ta'ua e Paulo se “faaosooso” (1 Tesalonia 3:5), ua faailoa mai e Iesu, o Satani (Mataio 4:3, 10). O ia lea ua sili lona iloa o auala e faaoga ai o tatou vaivaiga e taitai i tatou i le agasala. Aua ne'i galo o loo tatou i ai i se finauga i le va o Keriso ma Satani, ma o le a faia e le faaosooso mea uma e faaliliu ese ai i tatou mai ia Keriso.



O Samasoni o se fa'ata'ita'iga manino o se tagata sa matuu atu i faaosoosoga e ala i le tu'uina atu o ia lava i ona lagona, e ui lava ina ia iloa o nei lagona e feteenai ma le finagalo o le Atua (Faama 14:1-3; 16:1, 4). Faapefea ona alo ese mai faaosoosoga? Sailia i le Atua (Mat 6:33); fa'aalu se taimi nao oe ma Ia (Mare 14:38); ave le talita o le fa'atuatua (Efe 6:16).



FAUTUAGA E E FOIA AI LE AGASALA

“A faatausuaiina foi oe e lou mata, ina sali ese ia; e lelei ina e sao i le malo o le Atua ma le mata e tasi, a e leaga ona lafoina oe ma ou mata e lua i le afi o Kēna;” (Mareko 9:47)

Tuuina mai e Iesu faatonuga manino e alofia ai le agasala:



Alo mai mea e ono taitai atu ai oe I le agasala (Mareko 9:43; Iopu 23:12). Faataitaiga, faatau o le ava.

Aua le alu i nofoaga ete ono agasala ai (Mar 9:45; Iopu 23:11). Faataitaiga, alu i le kalapu.

Aloese mai le matamata i mea e ono taitai atu ai oe i le agasala (Mareko 9:47; Iopu 31:1). Mo se faataitaiga, matamata i ata e iai vaaiga matagā.



I se aotelega, ia faia mea uma e te aloese mai ai ma faaosoosoina ai e agasala. Tatalo i ai.


- 1 Aua ne'i e manatu ua lava lou lava malosi (1 Kori. 10:12)
- 2 Taofi le ta'u atu i tagata o oe e lelei, ia lotomaulalo e pei o Iesu (Mataio 6:2)
- 3 Fai mea uma e tatau ai, e aveese ai le tu'inanau mai lou loto (Mataio 5:28-29)
- 4 Soia le faitio ma faamasino o isi (1 Kori. 4:5)
- 5 Aua le ita i ou fili ae tatalo moi latou (Mt. 5:44)
- 6 Taofi le ita i ē o siomia oe (Mataio 5:22)



O LE III
TULAFONO

O LE TULAFONO MA LE AGASALA

“O i latou uma lava o e fai le agasala, ua latou soli foi i tulafono; o le agasala o le solitulafono lava lea.” (1 Ioane 3:4)





O le sootaga o le Tulafono ma le agasala ua faauigaseseina e nisi o ē manatu o le tausia o le Tulafono e mafai ona latou togiolaina ai a latou agasala (Kalatia 5:4). O lenei manatu ua taitai atu ai isi i le itu e matuā ese lava, o le manatu lea, ua soloia le Tulafono.

O le fa‘afitauli o le manatu lea o le Tulafono e faaolaina ai, pe o se auala lea po o se fa‘alavelave foi i le ausiaina o le faaolataga. Ae o le galuega a le Tulafono e le‘i avea lava ma fa‘aolataga. O le ā la le galuega a le tulafono?


Ua faaalua mai e le Tulafono le agasala (1 Ioa 3:4). Ana leai le Tulafono semanu tatou te le iloa po o le a le agasala (Rom 7:7) ma tatou le sailia ai loa se fofo (Kalatia 3:24).

E lē o se avega mamafa le Tulafono, ae o se pa puipui e taofia ai i tatou mai le mafatia i taunuuga mata’utia o le agasala (1 Ioane 5:3; Salamo 1:1-3).





O LE TALA
LELEI




O LE TALA LELEI MA LE TULAFONO

“O lenei, ua tatou taofi, e ta'uamionuina le tagata i le faatuatua, e le o i ai galuega o le tulafono.” (Roma 3:28)

O le faaolataga (le faamagaloina o agasala ma le ola e faavavau) e maua i le galuega na faia e Iesu i luga o le satauro (Kala. 3:13). O lea galuega a Iesu e uunaia ai i tatou e alolofa ia te ia (1 Ioa 4:9, 19). Ma tatou te faailoa tonu lenei alofa e ala i le tausia o ana poloaiga (Ioa 14:15).

Se'i o tatou toe iloiloina le sootaga i le va o le Tulafono ma le Talalelei (o lona uiga, o le faaolataga e ala i le toto o Iesu):



E le'i finagalo lava Iesu e faaleaogaina le Tulafono, ae ia faamaonia (Mataio 5:17). O le Tulafono ma le Talalelei o ni ata o uiga o le Atua: o le alofa.

FAUSIA I LUGA O LE PAPA

“O lenei, ai se faalogo i a'u upu nei, ma faia e ia, ou te faatusaina o ia i le tagata poto, ua na faia lona fale i luga o le papa;” (Mataio 7:24)



O le taliaina o le Talalelei e aofia ai le mulimuli i se faagasologa. O le laasaga muamua o le iloa lea. E tatau ona tatou iloa e iai se Tasi e mafai ona togiolaina i tatou (Roma 10:14).

Ae e lē na o le poto e faaolaina ai i tatou. Na faatusaina e Iesu i latou e maua le poto o le faaolataga ae lē faatinoina mataupu faavae o le talalelei i se tagata e fausia lona fale i luga o le oneone “ona matuā pa’ū ai lea o lona fale” (Mataio 7:26-27).



E tatau ona o faatasi le malamalama ma ni galuega moni (Mataio 7:24-25). Ua ta'uamiotonuina i tatou e ese mai galuega a le Tulafono (Roma 3:28), ae e tatau ona vaaia nei galuega i o tatou olaga o se taunuuga o lo tatou faaolataga (Mataio 7:18-21).

A tatou talia Iesu ma ola i se mafutaga vavalalata ma la, faatasi ai ma le tausia o Ana poloaiga, o loo tatou atina'e i luga o le Papa.



“E fa’ailoa e le Tulafono le agasala a le tagata, ae e leai se fofo e maua mai ai. E ui ina folafola mai le ola i ē usiusita’i, ae ua fa’ailoa mai foi o le oti o le iuga lea o le tagata solitulafono. Na’o le talalelei a Keriso e mafai ona fa’asa’olotoina o ia mai le fa’asalaga po’o le fa’aleagaina o le agasala. E tatau ona ia fa’atinoina le salamo i le Atua, o lē ona Tulafono ua solia; ma le fa’atuatua ia Keriso, o lana taulaga togiola. O lea ua ia maua ai le “fa’amagaloina o agasala ua mavae” ma avea ai ma se tasi e auai i le natura fa’aleatua.”

EGW (O le Finauga Tele, p. 467)